

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De præparatione Sacerdotis celebraturi. I.

urn:nbn:de:hbz:466:1-40214

COMMENTARIA IN RUBRICAS MISSALIS ROMANI.

PARS SECUNDA.

Ritus seruandus in celebratione Missæ.



LITERA pars Rubricarum generalium in duo capita diuiditur: quorum alterum ea complectitur, quæ ad integrum & accuratam Missæ celebrationem spectant, nempe Ritus, & Cærimonias: alterum ea continet quæ scitu sunt necessaria, ne male celebratio fiat, videlicet Defectus occurrentes; quibus & adhibentur remedia. Sufficiens ergo huius Partis est diuisio, ut ritus semper & male numquam celebretur.

De præparatione Sacerdotis celebraturi. I.

Sacerdos celebratus Missam, prævia Confessione sacramentali, quando opus est, & saltem^b Matutino cum Laudibus absolute, orationi aliquantulum vacet, &^c Orationes inferius positas pro temporis opportunitate dicat. Deinde accedit ad locum in Sacristia, vel alibi præparatum, ubi paramenta, aliaq; ad celebrationem necessaria habentur: accipit Missale, perquirit Missam, perlegit, & signacula ordinat ad ea quæ dicturus est. Postea^e lauat manus, dicens Orationem inferius positam. Deinde^f præparat Calicem (qui debet esse vel aureus, vel argenteus, aut saltem habere cuppā argenteam intus inauratam, & simul^g cum Patenait idem inaurata,^h ab Episcopo consecratus:) super eius osⁱ ponit Purificatorium mūdum, & super illud Patenam^j cum Hostia integra, quam leviter extergit, si opus est, à fragmentis, & eam tegit^m parua Palla linea, tum Velo serico: super velo ponitⁿ Bursam coloris paramentorum, intus habentem^p Corporale plicatum: quod ex lino tantum esse debet, nec serico vel auro in medio intextum, sed totum album, & ab Episcopo, vel alio habente facultatem, simul cum Palla benedictum.

L a Sacer-

a *Sacerdos.*] Ita dictus est quasi sacra dans, vel sacra dos, id est, ipsamet sanctitas, vel sacer-dux, vel sacra docens: nam docere debet verbo, ducere exemplo, sanctus esse, & sacra alijs dare, vt sancti fiant.

De confessione Sacramentali dicemus infra, cum de defectibus animæ. Hoc loco monebo tantum, ne Sacerdos induitus Sacerdotalibus indumentis confiteatur, sed antequam ea vestiat: hoc enim magis decerit: quod & notauit *Didacus Murilius in Scala spirituali p. 1. lib. 3. cap. 13.*

b *Matutino cum Laudibus.*] Missam ante Matutinum ne præsumamus dicere, aperte his ipsis verbis vetuit Innocen. IV. ad Episc. Tuscul. can. 11. Recenset *Barbosa de Poteſt. Episc. p. 2. alleg. 24. num. 15.* auētores viginti, quos ipse sequitur, negantes, esse peccatum mortale, celebrare Missam ante Matutinum; & ibidem numerat alios decem & nouem, quibus addi debet *Francol. de Tempore Hor. Canon. cap. 42.* affirmantes esse peccatum mortale; inter quos duo Sancti numerantur, S. Antoninus, & S. Raymundus. excusat autem iusta causa, *Silu. v. Missa 1. quest. 6.* Quid facies, pie Lector, in re tam dubia, in qua totidem sunt hinc inde auētores, pro affirmativa sanctiores; præterea vero duo summi Pontifices, Innocentius I V. & Pius V. qui collocauit hunc inter defectus grauiores tit. 10. de Defectibus num. 1. inter eos defectus, qui de communi Doctorum sententia non accidunt sine culpa mortali de suo genere? Ego certè tutiorem, quæ in Rubrica est, sequor libentius sententiam.

c *Orationes inferius positas.*] Scilicet Antiphonam, *Nereminiscaris;* quæ in Duplicibus duplicatur; & pariter

ante eas Missas quæ ritu Duplici celebrantur, hoc est, cum vnica Oratione; siue sit Votua pro re graui, siue pro Defunctis (quamquam pro Defunctis omitti possunt Antiphona & Psalmi, vt dicemus infra) & tempore Paschali additur *Alleluia.* Psalmos quinque habes cum Orationibus, *Quam dilecta tabernacula, &c.* de quibus mentio est apud *Microlog. cap. 1. & 23.* vt interius, inquit, & exteriū Sacerdos summo Sacerdoti placere valeat. Addit *Innocen. III. lib. 1. cap. 47.* vt quidquid immundum quinque sensuum transgressionem commisit Sacerdos, quinque Psalmorum oratione detergat: quædam enim continentur in ipsis, quæ recte conueniunt celebraturis Missam, vt legenti patet. eosdem hoc loco instituit Cælestinus I. ex Duran. lib. 4. cap. 2. Microlog. vnam tantum Orationem pro peccatis nudit, Innocentius III. plures, quæ, inquit, manifestè pertinent ad impenitrandam cordis & corporis munditiam, & munimentum. ex quo coniunctione iisdem Orationibus eum loqui, quæ apud nos sunt in usu. Numeri sunt septem, iuxta numerum petitionum Orationis Dominica, ad septiformem gratiam Spiritus sancti obtinendam. His ego legi in *Missali M.S. Vaticano ante 300. annos scripto, volum. 4743.* Oratio, *Conscientia,* est Ambrosiana, ex Pamelio, in Sabbatho, Domin. 5. Aduen. Ambrosiano more. Septem autem versus præcedentes respondent iisdem septem Orationibus. Cum autem habeatur in titulo & Rubrica, *Pro temporis opportunitate,* inde patet, nullum esse peccatum, si celebraturus eas omittat: & communius omittuntur iij Psalmi à Sacerdotibus.

d *Accipit Missale.*] Nec sine libro Missa

Missa celebranda est; aliás grauiter peccatur, *Nanar. cap. 25. num. 85.* *Azor. lib. 10. cap. 29. quæst. 4.* Neque aliud Missale, nisi Pij Quinti, adhiberi potest à Romanis, ex eiusdem Pij Bulla. Conuestitur Missale ab accusatoribus proprio integumento coloris Missæ conuenientis, tum ad decorum, tum ad reuerentiam in eo contentorum. Quod autem hoc loco iubetur, ut perlegatur Missa, siue prälegatur, eo fine dicitur, vt, si mutanda sit Oratio, maximè secrera, quæ sit eadem cum alia, puta commemorationis & Festi, opportunè mutationi sit prouisum; & præterea ne accidat error in prolatione verborum, cum scandalo auditorum.

e *Lauat manus.*] Ut spiritualiter mundet actus, *Innocent. III. lib. 1. cap. 49.* & propter reuerentiam tanti Sacramenti, *Duran. suprà cap. 3.*

f *Praparat Calicem.*] Calix à voce Græca κύπελλος, ex *Macrob. lib. 5. Saturn. cap. 2.* ab aqua calida dictus, ut aiunt *Varro lib. 4. Latin. lin. & Festus lib. 3.* quam vino mixtam habebant veteres in deliciis, ut *Persius docet.* Vel ab alia voce Græca χαλάρω, quæ lignum significat, *Isid. lib. 20. Orig. cap. 5.* nam ex ligno, ait, siebant calices. Porrò in Calice argenteo consecrasse dicitur Christus à *Baronio, ex Beda, anno 34. nu. 63.* Vereor tamen, ne Calix hic, in quo, ut narrat idem *Beda,* seruatur spongia potus aceti ministra, & habet duas ansas hinc inde, adhibitus fuerit potius ad potandum Christum felle & acetato, quam ad ultimam cœnam. Valentinæ venerantur Calicem lapideū alium pretiosum ex Agatha, quam vocant, quo dicunt usum fuisse Christum in ultima Cœna. Lege Carthagena de *Euchar. Homil. 26. A'jabdi Latinè*

bonum: & quid bonum eius, nisi vi-num huius Galicis germinans Virgi-nes? *Zachar. 9.* inde mos inolevit, quod non in alio vase quam in Cali-ce Sanguis consecretur, ex *Pascha-sio de Sanguine & Corpore Domini cap. 20.* Vasculum dixerat Patres *Con-cil. Tribur. cap. 18.* Vas mysticum, *Syeneius Constat. 2.* Poculum, *Cle-mens lib. 8. Constat. cap. 15.* Poculum sanctum, *Nazian. Orat. 25.*

Ligneos autem adhibuere Calices Apostoli, *Honor. in Gemma lib. 1. c. 89.* deinde vitrei decreti sunt à Zephyri-no, apud *Damasum in eius Vita:* & Calicem vitreum fractum à sancto Do-nato Aretino restitutum habes in lib. 1. *Dial. S. Greg. cap. 7.* Sed & tunc tem-poris argentei erant in usu apud aliquos, ut notat *Baron. in Notis Mar-tirol. 7. Augusti, ex August. Epist. 165.* Urbanus argenteos & aureos instituit, de *Consecr. Dist. 1. cap. Vasa. ex Concil. Triburienſi cap. 18.* non ex ære neque auricalcho fiant, ne ærugo generetur, neque vomitus prouocetur; potius ex stanno, ead. *Dist. cap. Vt Calix. ex Concil. Rhemenſi cap. 6.*

Osto angulis formabantur, ex *Pru-dentio apud Bulengerum lib. 2. cap. 20.* imaginibus etiam decorabantur; quos effigiatos historia pastoris & ouis do-cet, *Tertull. de Pudicit. cap. 7. & 10.* & Imaginatos Calices idem appellat S. Remigius in suo testamento, quid? idem inscripsit in Calice proprium nomen citra vanitatem, apud *Surium Tom. 1.* Calicem vero gemmatum misit Epiphanius Constantinopolim ad Hormisdam, unde etiam in *Ord. Rom. paratoria dantur, id est, capsæ, ad Calices recondendos.* Solebat (quod do-leo) dicere S. Bonifacius Martyr, & Episcopus Ultraiectensis: Quondam

aurei Sacerdotes vtebantur ligneis Calicibus, nunc lignei Sacerdotes aureis Calicibus, *VValaf. Strabo cap. 24. & in cap. Vasa.*

g Cum Patena.] Patena, seu patina; vox tamen prima est frequentior. Discus in *Liturgia S. Iacobi* appellatur. A patendo est dicta, *Amal. lib. 3. cap. 27.* vel quia patula est, *VValaf. cap. 24.* vel quia dispansis patentibusque oris sit, *Isidor. lib. 20. Orig. cap. 4.* Patenæ vero eiusdem fuere materiae cum Calicibus. Forma earumdem nunc multò minor quam antiquarum: nam erant *apud Damasum in Vita S. Silvestri* ponderis quindecim vel tringinta librarum, cùm multi in Missa communicarent. Patena adhibita tunc temporis pro Pyxide.

h Ab Episcopo consecratus.] Habetur consecratio hæc in Ordine Romano; & durat consecratio, donec frangatur, vel intus de novo auro lintatur, *Suar. diff. 81. sec. 7.* idcirco Calix & Patena vocantur vasa sacra à *Sixto de Consec.* *Dift. 1. cap. In Sancta.* & vngi Calicem expresse iussit Silvester, *ex Innocentio III. in Epist. decret.* Hinc fit, quod non omnibus licet hæc vasa tangere. non licuit Subdiaconis ante Concilium Laodicenum; ubi *cap. 21.* iisdem interdictum eorum contactus fuit concessus in *Braccar. I. cap. 28.* inferioribus autem alijs negatus in *Cone. Rom. II. cap. 9.* nisi mappula adhibita, *iuxta Ordinem Rom.* An vero sub mortali? negat Bonac. *diff. 4. quæst. vlt. pun. 9. num. 20.*

i Ponit Purificatorium.] Neque nomen Purificatorij, neque rem apud antiquos de ritibus Scriptores inueni. *Duran. lib. 4. cap. 55.* perfusionem digitorum appellat purificationem; & inde Purificatorium ad extergen-

dum digitos perfusos, & Calicem, dictum esse pater, *Burchard.* vocat Purificatorium.

Querunt, An sit benedicendum; negat Suarez 3. p. disput. 81. sec. 8. Quarto. nec in Ritualibus inuenitur benedictio propria, sicuti neque Veli, neque Burse Corporalis, de quibus statim dicimus. Ratio esse potest, quia sine his videbatur Sacrificium non incommodè fieri posse. vtebantur enim paruis mantilibus à Manipulo diuersis, ad tergendas manus, & mappulis quibusdam, *ex Beda in Collect. de Septem Ordinibus,* quas & tenebant manibus, *ex Duran. lib. 3. cap. 6.* sed decentius sit, proprium adhibendo Purificatorium; quod ut ab alijs lineis pannis ad tergendas manus dignoscatur, conuenit, ut in medio illius pingatur Crux, ut in Concilio Provinciali III. Mediol. in *Instruct. supell. lib. 2.* fuit decretum.

I Cum Hostia.] De hac pleniùs & commodiùs infrà tit. 7. num. 1.

m Parua Palla linea.] Ad differentiam Corporalis, quod & Palla dicebatur, *can. Sacratas.* *Dift. 23.* ex *Soter.* nam erat Corporale magna Palla; Palla verò à palliando, *Duran. lib. 4. c. 29.* vestimentique genus est, *ex Baedio de Re vestiaria c. 13.* Ceterūm *Innoc. III. lib. 2. cap. 56.* eam distinguit à Corporali, quatenus Calicem tegit. antiquitus enim Corporale quoque tegebat Calicem altera, sui parte, *ibidem.* S. Anselmus antiquior in *libro de Diuersis Sacram.* putat tutius, quod Calix operiatur, ne aliquid indecens in illum cadat. Ergo eo tempore Palla fuit in vsu apud aliquos; quia non præcipit, sed suadet Anselmus, quod est tutius, geritque vicem Corporalis, sed diuisi. Quare & eiusdem materie debet esse, cuius est Corporale, de quo paulò post

pōst dicemus. Cur autem vulgō Animeta vocatur? Auctor Græcus, in *Liturgia quadam cit. à Vicecomite lib. 7. cap. 5.*, eam vocat Psychian; & psychi significat animam: vel quia intra Corporale plicatum afferuatur, quasi anima intra corpus.

Qui duplē adhibent Pallam, alteram pro Calice, alteram pro Hostia, approbante, vt aiunt, Summo Pontifice, non sunt reprehendendi: non tamen imitandi sunt ab alijs sine Pontificia facultate. Eſſet enim additio ritus, quæ est à Pio V. prohibita.

In *Tum Velo serico.*] De hoc antiqui, Clem. can. 72. vbi quia lauari iubetur, è lino coniicitur fuisse. Pepli sudarij, vel aëris, quo operiuntar sancta, meminit Chrysost. in *liturgia.* vocat S. Germanus in *Theoria Velamen,* & *Velamentum;* & significare docet aërem tenebrosum noctis passionis Domini, seu lapidem monumenti. Sericea Vela donata fuerunt Hormisdæ ab Epiphanio cū Calice gemmato, de quo ſuprà, vi in Epift. 1. Hormisdæ: & benedici ſolita cum alijs vēſtibus puto, quia in can. cit. 72. ſanctificata dicuntur. Docet Amalar. Prefat. 2. ad lib. de Eccles. Offic apud Romanos Calicem inuoluum fudario ad Altare porrigit: Volumque inde dicitur, quia velando Calicem, eiusdem etiam velata eſſe myſteria signat. Victorianus Premolus in Memor. Cleric. p. 3. cap. 7. numerat Volum hoc inter alia necessaria ſub mortali, nullo Auctore, nulla ratione allata: quod non placet, ex dictis ſuprà, cū de Purificatorio ageremus.

O Bursam.] Peram vocat Chronicum Moguntin. sed Bursam Burchar. conuenitque ut Crucem in medio habeat, vt mos eſt. Non videretur in yſu

fuisse ante Concilium Rhemens, in quo cap. 5. iubetur, recondi Corporale ſimul cum libro, ſeu cum Calice: quæ verò pars eius aperta eſt, in hoc caſu celebrantem respiciat, veſto anteriori ſuper eam reuoluto, vt Calix commodiūs deferri queat à Sacerdote ad Altare. Intra quam Bursam (alijs ſuperflua Bursa eſt) omnino recludatur Corporale (neque gratis diſtinguas, vtrum plures, an pauciores in Ecclesia dicantur Missæ) vt cautiūs & decentius Corporale deferatur. Pius V. dispensauit cum Hispanis, vt extra Bursam Corporale portari queat, ex Hier. Cantono in ſuo Ordinario Diuin. Offic. Vereor ergo, ne pigeat aliquos educere Corporale de Bursa: & quid, ſi in via in terram cadat?

In *Corporale plicatum.*] Palla dicitur à Clem. Epift. 2. ad Iacobum. Sindon ab Ifid. Pelus. lib. 1. cap. 123. Palla Corporalis in Ord. Roman. tit. de Pallis. Corporale verò dicitur, quia in eponitur Corpus Christi, Alcuin. c. 2. de Celebrat. Miss. cuiusque auctor eſt Eusebius Papa ante Silvestrum, quem communiter auctorem dicunt lege Burchard. lib. 3. Decr. cap. 99. Sixtum auctorem facit Polid. Virg. lib. 6. c. 12.

Ex lino debet eſſe, cap. Consulto. de Conſecrat. Distinct. 1. ex Epift. Euseb. & Silv. quia Sindonem Christi repræſentat, ibidem. Ex cannabe fieri poſſe, concedit Azor. lib. 10. cap. 28. quæſt. 8. neque debet miſceri alia materia etiam pretiosiore, ex Concil. Rhemen. cap. 3. fed hoc inreſtigare in interiori parte tam Corporalis quam Pallæ partuæ: nam in illius extima & Pallæ superiori parte poſteſt ſericum & aurum addi, vt ait Suarez 3. par. diſput. 81. ſect. 6. nunc, Arta breuiori facta, breuius eriam eſt Corporale quam apud antiquos.

Quod attinet ad plicaturam Corporalis, docet Alcuin. loco citat. ita pli-
candum esse, ut nec initium nec finis
apparet: quod & hodie obseruatur ab
accusatoribus in Ecclesiastica disciplina: quia, inquit, Corporale signifi-
cat linteamina, & sudarium, præser-
tim capit is Christi. Cum autem caput
Christi sit Deus, qui nec initium ha-
bet nec finem; eadem, ut in Corporali
sacra palla pallientur, & abscondan-
tur, quam maximè decet.

q Simul cum Palla benedictum.]
Cap. Consulto. de Consecr. Dist. 1. ne-
que benedicitur Palla separatim; quia
est vnum quid & veluti pars Corpora-
lis; nec in Pontificali datur distincta
benedictio. vnde & eodem cultu ve-

neranda sunt, & adeò, vt non modò
non tangenda sint à laicis, nec à sacra-
tis feminis, can. Sacras. Dist. 23. ex
Sotero, ut Damasus ait, non ex Sexto,
ut ait Platina; sed neque lauanda ea
sunt in communi vase, vt statuit san-
ctus Clemens, & in Ordine Romano
habetur eiusdem Decretum. Possunt
quidem Corporalia tangi post eorum-
dem benedictionem & lotionem, sed
non post usum: neque post lotionem
iterum debent benedici, Silu. ver. Cor-
poralia. Si vero immunda adhibeantur
notabiliter, peccatum mortale est,
Emman. Sa ver. Sacra. num. 5. & est
communis. De eorumdem vero vetito
contactu, an sit peccatum mortale,
dic ut supra de Calice.

2 Quibus ita dispositis, accedit ad paramenta, quæ non debent esse lacera
aut scissa, sed integra, & decenter munda ac pulchra, & ab Epi-
scopo item, vel alio facultatem habente benedicta: calceatus pe-
dibus, & indutus vestibus sibi conuenientibus, quarum exterior
saltem talum pedis attingat; induit se, si sit Prælatus secularis,
supra Rocchettum; si sit Prælatus regularis, vel alius Sacerdos sec-
ularis, supra superpelliceum, si commodè haberit posse, alio-
quin sine eo supra uestes communes, dicens ad singula singulas
Orationes inferius positas.

Paramenta non debent ponni in Altari, in quo Missa est facienda, nisi pro
solis Episcopis & Cardinalibus, ut
decreuit S. Rituum Congregatio die
7. Iulij 1612. Deficiente vero Sacri-
tia, aut mensa separata, si in casu ne-
cessitatis ponantur in Altari, num-
quam tamen in medio, sed in cornu
Euangelij collocentur.

Birretum deponens Sacerdos, vt
paramenta induat, ne illud super Mis-
sale deponat, neque super Calicem.
Scopis item se purget, & mundet
à puluere.

x Non debent esse lacera.] Si figura
paramenti destruitur, vel inepta sit ad
usum sacrum, amittitur quoque bene-
dictio, arg. c. Quod in dubijs. de Con-
serat. Eccles. vel Alt. ex Suarez 3. par.
dist. 82. sett. 2. Cingulum ergo non-
dum ruptum potest nodo reparari:
quod si rumpatur, altera quidem parte
poteris uti, non autem toto per nodum
resarcito sine noua benedictione; quia
forma amissa est. Et nota, quod lig-
mina, quibus vere te cingis, sunt ma-
gis de forma Cinguli, quam illæ eius-
dem partes, quæ pendent versus ter-
ram;

ram; ut scias ferre indicium de eodem iterum benedicendo.

f Et decenter munda.] Lethale peccatum admitti docet Silvest. ver. *Missa* 1. quæst. 2. §. 3. si enormiter quis cum immundis celebret paramentis lauanda verò sunt in proprio vase, ex *Conc. Ilerden. can. 4. de Consecr. d. 4. cap. Omnis.*

t Ab Episcopo benedicta.] Sacra vocat, hoc est, benedicta indumenta, ante alios primus *S. Anacletus Papa Epist. 2. tum Soterius Epist. 2. deinde Sacrata dicta sunt, cap. Vestimenta. de Conf. Dist. 1. ex Stephano. quod autem docet *Nauar. in Man. c. 25. num. 84.* de vestibus, intelligitur etiam de Cingulo, contra *Scotum* 4. d. 13. q. 2. An verò benedictio vestium præcipitur sub mortali? affirmat *Nau.* & habentur in *Ord. Romano* etiam Cingulorum benedictiones omnium vestium Sacerdotalium.*

Quòd autem ab Episcopo sint benedicenda, docet expressè *Innoc. III. lib. 1. Mys. Missæ cap. 9.* & addunt Doctores, benedictionem hanc esse ordinis Episcopalis, non iurisdictionis, quam idcirco Episcopus alijs delegare non potest sine facultate Papæ.

u Vel alio facultatem habente.] Hac de re dicemus. infra in proprio loco circa finem Missalis; ubi de paramentorum benedictionibus.

x Calceatus pedibus.] Præceptum volunt esse *Silv. ver. Missa. & Sotus* 4. dist. 13. quæst. 2. sed nonnisi ad maiorem honestatem & decentiam hoc præscribi notat *Suarez* 3. p. dist. 82. sicut 3. *Ordo Rom. de Parafœne*: Non licet, inquit, Presbyterum, Diaconum, vel Acolythū ad Altare ministriare per nudos pedes. Et *Exod. 13.* cum calceamentis edebatur Agnus: quo signi-

ficatur asperitas vitæ, ex *Nazianz. Orat. 42.* & promptitudo ad omnia, ex *Esaia Abb. Tract. 22.* Laudandi verò sunt Clerici Regulares nostri, qui in Sacraria deponunt etiam communes crepidas, seu calceos, & alias ibidem ad id paratas crepidas induunt, ad maiorem nitorem & sacrifinisterij splendorem.

y Saltē talum pedis.] Vestis Clericorum erat antiquitus etiam talaris; vnde & vocabatur Caracalla, Beda testante de Gestis Angl. lib. 1. cap. 7. & eum exponente Baronio anno 303. In clericis peregrinis & rusticis tolerandæ videntur breuiores vestes, non tamen supra medium crus, *Homob. Tract. 4. quæst. 145.*

Vestis autem & tonsura sunt sibi inuicem correlativa, de qua *Dion. Eccles. Hierar. p. 2. cap. 3.* & *Baronius anno 58. num 13.* Extat Bulla Sixti V. contra non ferentes habitum & tonsuram, grauissimis impositis penis. Significat tonsura abiectionem terrenarum cogitationum, *Augustin. lib. de Contemptu seculi*; tum vitiorum refectionem, *Steph. Eduen. in Prol. lib. de Sacram. Altaris*; tum regiam Sacerdotis dignitatem, *Isid. lib. 2. de Offic. cap. 4.* tum coronam Christi spinam, quam peccatores denotant, portandam à Sacerdote, *S. German. in Theoria.* De hac *Ezech. 16. vt legit. Hier.* Coronam gratiarum suscipiet vertex tuus. Concilium autem Palentinum sub Urbano VI. definiuit, coronam Sacerdotis esse debere ad mensuram maioris Hostiæ; Toletanum IV. coronam clerici ad mensuram minoris Hostiæ. ergo Diaconorum & Subdiaconorum erit formæ mediæ.

z Rocchettum.] Dicebatur Linea, quia ex lino, in *Ordine Romano*: & quidem

dem hoc ordine numerantur ibi vestes Pontificis, Linea, Amictus, Linea Dalmatica (quā *ibidem* vocat Albam) Cingulum, Dalmatica, Orarium, Stola, & Planeta. ergo Linea Pontificis ante Amictum Rocchettum erat. Remansit in Linea S. Cyprianus prope martyrium, ex Pontio, hoc est, in Rocchetto, *ait Baron. anno 261.* alij expli-
cant in Alba; sed assentior Baronio.
quod si verum est, adhuc habes anti-
quiorem Lineæ seu Rocchetti vsum
apud Adonem in *Martyrolog. 26. No-*
nemb. ubi S. Alexander Episcopus &
martyr sub Antonino dicitur suscepisse
gladium stans in Linea: quo ferè lo-
quendi modo vtitur Pontius in S. Cy-
priani morte. Nomen est nouum, cu-
ijs synonymum est Riccha *apud Cras-*
sum lib. 1. cap. 21. Gallica profeccio
vox, Auenione fortè, cùm degerent
ibidem Summi Pontifices, introdu-
cta: nam in Calepini Dictionario se-
ptem linguarum Latina vox *Supparus*
Gallicè sic vertitur; *Roquet.* Supparus
autem, *ex Varrone lib. 4. de Lat. lin-*
gua, dictus est, quòd suprà induatur,
sicut subeula, quòd induatur sub-
tus. Ignatius Braccius vocem à Græ-
co deducit idiomate; Primò, ut sim-
plex vocabulum, à *πύρω.* quòd, ut ve-
tera Lexica testantur, corymbi sunt
ornatus gratia Sacerdotum stolis an-
neci; atque ita dicti, ob mali punici
similitudinem. Limbus autem Roc-
chetti lineis corymbis, aut alio simili
artificio acu pingi solet. Deinde, ut vo-
cabulum compositum ex *ῥῶ* & *χτῶνι:*
siquidem *ῥῶ* particula molle & deli-
catum significat, ut *magnus ait Etymolo-*
gistes: *χτῶν* tunicam significat, ex
eodem, & præcipue lineam; ita ut Ro-
chiton Græcis sit, Latinis tunica mol-
lior & delicatior. Idem ab Hebræo de-

duci posse docet, à verbo *Rah*; quod
est spectare, intueri; & à nomine *Che-*
tan, quod est lineum. qua ratione Roc-
chettum esset linum spectabile, seu
vestis linea speciosa. Hæc ille argutè.
Manicas habet angustiores, ut ad ope-
ra bona manus sint expeditiores: in
ceteris significationem communem
habet cum Superpellico, de quo sta-
tim scribo.

a *Superpellicum.*] Antiquitus in-
duebatur hæc vestis supra tunicas pel-
liceas, de pellibus animalium factas,
Durand. lib. 3. cap. 1. ad indicandam
innocentiam supra peccatum Adæ,
quem vstiuuit Deus tunica pellicea;
ideoque coloris albi est hæc vestis.
Meminit S. Hieron. lib. 1. adu. Pelag.
candidæ vestis ad vsum Episcopi, Pre-
sbyteri, Diaconi, & reliqui ordinis
Ecclesiastici in administratione Sa-
cramentorum: quæ verò alia inferio-
ri Clero potuit esse communis vestis,
nisi Superpelliceū? Est item laxa, quia
clericalis vita debet esse in eleemosy-
nis larga, *Gemm. lib. 1. cap. 232.* In-
duitur supra communes vestes, quia
charitas operit multitudinem peccato-
rum: & habet formam Crucis, ut pas-
sionis Christi vestigia imitetur Eccle-
siasticus, *Durand. loco citato.* qui &
cap. sequenti in Superpellico, veste
prima ante Amictum, intelligit fidem.

Sed vnde Cotta dicitur? Hetrusci
vocant Cortam, quam vsteni & to-
gam Latini appellant. Ioachimus Pe-
titionis de *Lingua Gallica cum Graca*
cognitione lib. 3. vocabulum Gallicum
cotte à Græca voce *χτῶνιον* deducit,
quæ tuniculam significat, mutatisque
inter se litteris duabus, factum esse
ait Cothinium. *χτῶνιον* autem est di-
minutiuum à *χτῶν*, de quo diximus
suprà, cùm de Rocchetto. Pagninus in
Enchi-

Euchiridio ait, Chitam vel Chetan, significare linum; vnde & Chiunia, id est tunica linea; quamquam Angelus Caninus putat, haec Punica potius esse vocabula quam Hebreæ. Ignatius Bracceius addit, non incongruè à Cottis, quod apud Dores caput significat, ex Rodig. lib. 7. cap. 23. Cottam dici posse, eo quod in eam caput primò inseratur, mox reliquo corpore ve- lato, solum ferè caput ex ea conspi- ciatur exertum. Extendebatur ultra medias tibias Superpelliceum cleri-cale, Concil. Basiliense. sess. 21. & Ca- misia idèo dicta est à Codino de Offi- cijs Constantiopolitanis, apud Buleng. lib. 2. cap. 39. ad usum Lectorum & Psalmistarum.

b Singulas Orationes.] Seuerus Alexandrinus meminit precum ad la- cras vestes induendas. Stephan. Eduens. de Sacram. Alt. cap. 10. habet eam- dem precem ad Manipulum qua nos utimur. Chrysost. in Matth. Homil. 38. indicat recitari aliquas preces. & certe conuenit, cum sint haec lacræ vestes, & ad Sacrificium ordinatae.

Concordant Orationes haec maiori ex parte cum significationibus vesti-

mentorum Sacerdotalium tropologi- cis, seu mortalibus, quas antiqui tradi- derent, & nos infra enarrabimus. Sed dubitari potest, an Orationes origi- nem ducant à prædictis interpreta- tionibus, an vero interpretationes ab Orationibus crederem ego, Orationes omnes, ut sic ad Missam præparato- rias, longè posteriores esse, etiam post Durandum, qui secutus antiquiores, de Stola scribit, significare iugum Do- mini, & Casulam charitatem, citato Ordine Romano in ordinatione Presby- teri, quæ interpretationes discordant ab Orationibus hodie dicendis ad Stolam & Casulam induendas: illam enim in Oratione appellamus Stolam immortalitatis, hanc vero iugum Do- mini suaue. Sensus autem dictarum Orationum patet, cum infra de My- sterijs vestimentorum agemus in fine huius tituli.

Neque debent omitti haec preces sine causa, alias lethale peccatum est, Na- ntar. cap. 25. num. 73. licet Burchard. Decretorum etiam Doctor moneat, non ex præcepto, sed ex deuotione eas di- ci solitas esse. excusat Suarez. dispu- tat. 82. in 3. p. initio.

3 Ac primum accipiens. Amictum circa extremitates & chordulas, osculatur illud in medio, ubi est Crux, & ponit super caput, & mox declinat ad collum, & eo uestum collaria circumtegens, dicit chordulas sub brachijs, & circumducens per dorsum, ante pectus re- ducit & ligat. Tum. Albam induitur, caput submittens, deinde manicam dextram brachio dextro, & sinistram sinistro imponens, Al- bam ipsam corpori adaptat, eleuat ante, & à lateribus hinc inde, & Cingulo per ministrum à tergo sibi porrecto, se cingit. Minister ele- uat Albam supra Cingulum circum circa, ut honestè dependeat, & tegat uestes; ac eius fimbrias diligenter aptat, ut ad latitudinem di- giti vel circiter supra terram equaliter fluat. Sacerdos accipit Ma- nipulum, osculatur Crucem in medio, & imponit brachio sini- stro;

*fstro, deinde ambabus manibus^m accipiens Stolam, simili modoⁿ de-
oscularatur, & imponit medium eius collo, ac transuersando eam^o an-
te pectus in modum Crucis, p ducit partem à sinistro humero pen-
denter ad dextram, & partem à dextro humero pendenter ad
sinistram, sicq; utramque partem Stole^p extremitatibus Cinguli
hinc inde ipsi Cingulo coniungit.*

c Amictum.] Ab amiendo dici-
tur Amictus. Anabolagium, Ambola-
gium, Anagogium, Humerale, &
Amictus eadem sunt in Ordine Roma-
no. Superhumeral dictum est ab Al-
cuino cap. Quod sign. vestimenta. Hu-
merale ab Honorio quoque in Gemma,
lib. 1. cap. 201. quia humeros tegit. Ra-
ban. 1. Instit. Cler. c. 15. vocat Ephod-
Bat, & esse ab Hebreis deductum ad
nostros scribit. ergo Apostoli sunt vti.
Orale, de quo Innoc. III. cap. 53. putat
Viccomes esse Amictum; sed idem
Innocentius distinguit ab Amictu, de
quo cap. 50. hic enim ante Albam, il-
lud post Albam induitur. diuersa est
vtriusque forma, ut Romæ videre est.
Et Orale, quod hodie dicitur Fauon
à Marcello in Carim. Pap. lib. 2. cap. 14
est propria Papæ vestis.

Caput amictu cingitur, tum collum,
dorsum, & pectus. De collo Amal,
lib. 2. cap. 17. De vittis reliqua cingen-
tibus, Gemma supra, & Innocen. III.
lib. 1. c. 50. Mysteria aperiemus infra.

d Osculatur illud in medio.] Cruces
in vestibus Sacerdotalibus adhibitas
esse à tempore sancti Marci Papæ, tra-
dit Baron. anno 336. hodie in Amictu,
Manipulo & Stola cruces adesse so-
lent, ad recolendam Domini passio-
nem. Sicuti Stola imponitur collo
cum osculo, vt ait Durand. lib. 3. c. 5.
ita simili ritu imponendus est capitii
Amictus, in honorem sanctæ Cru-
cis. Omittant igitur hoc loco signum

Crucis, quod præter Rubricam sibi
faciant quidam manu & Amictu si-
mul à fronte ad pectus: vel signent
se antequam accipient Amictum; nam
antiqui ter se signabant, ut scribit Se-
nerus Alexand. de Ord. oblationis, an-
te Amictum, & manu tantum. Quod autem super Casulam reflectitur Ami-
ctus à Regularibus, indicant hunc ri-
tum Ryp. lib. 1. cap. 19. & Innoc. III.
lib. 1. cap. 58. ex quo sequitur, simpli-
cis Amictus usum esse valde nouuum.

e Alba induitur.] Podéris est ap-
pellata à Nazian. Orat. 3. quia Græci
vocant pedes podas, & hæc vestis ad
pedes demittitur, Duran. lib. 3. cap. 9.
Camisia ab Amal. cap. 18. Tunica à
Rabano loco cit. cap. 17. Tunica linea
linea Serm. 3. de Indum. dicta quo-
que est Linea Dalmatica ab eodem Or-
dine Romano suprà num. 2. citato: vbi
etiam & absolute Linea, quia ex lino.
Denique Supparus ab Alcuino. Alba
verò ante Amictum ab Ambrosianis,
à Romanis autem post Amictum in-
duitur, ut in Liturgia Chrysost. in Conc.
Carthag. IV. cap. 41. & in Ordine Rom.

f Manicam dextram brachio, &c.]
Burchard. Motus enim naturalis à
dextra est in sinistrā; & creditur Chri-
sti manus dextra cruci prius affixa
fuisse quam sinistra, ex beata Birgitta
lib. 1. cap. 10. & lib. 4. cap. 70.

g Et Cingulo, &c.] Ordo Rom. Cing-
ulum nominat. Alcuin. supra, Za-
nam, Baltheum, Ioan, Diac. in Vita
S. Greg.

S. Greg. lib. 4. cap. 80. & Gemma an. lib. 1. cap. 201. Duarum eiusdem summitatum meminit *Innocen. III. lib. 1. cap. 37.* fortasse enim tunc temporis, ut apud nos, extremitates cum ornatu erant. *Leo IV. in Epist. ad Episcopos* non meminit Cinguli (quia non est vestis) inter vestes Sacerdotales.

h Accipit Manipulum.] Quarto loco indui Manipulum, scribit aperte *Raban. loco cit. cap. 18.* alij, vel negligunt ordinem vestium, vel Episcopaliaum ordinem seruant. Mappulam *Ord. Rom.* appellat, qua pituita oculorum, narium & oris detergebatur, inquit *Alcuin. loco citato.* Sudarium, *Alcuin. idem, & Amalar. cap. 17.* quo sudor abstergitur. Cingulum brachiale, *Ord. Rom. in consecrat. Episc. Fauonem, Leo IV. Epist. ad Episc.* & *Gemma cap. 208.* Manipulum, *Rupert. lib. 1. cap. 33. & Hugo Victor. in Spec. cap. 6.* Phanonem, & Mantile, *Rabanus de Instit. Cler. lib. 1. cap. 18.* qui & Mappam paruam vocauerunt. Linetum cincticulum sacerdotale, *Hesychius apud Bulenger. lib. 1. cap. 42.* Aërem, *Chrysost. in Liturgia.* Decem ergo nomina certa Manipulus habuit; & apud antiquos Patres in vsu fuisse, tradit *Concil. Rhemen. apud Burchardum lib. 2. cap. 50.* Et nomina quidem sunt ad placitum, sed res eadē est apud prædictos; tum ex fine, ad tergendum pituitam, & sudorem; tum ex eo, quia in lœna, secundūm omnes, portabatur.

Dubitatur, An idem sit cum Manipulo Palla illa linostima, quia ex lino erat apto ad tergendum, quam concessit Diaconibus *S. Silvester*, vt cum Dalmaticis ad lœnam vterentur: affirmans sententia placuit valde Roberto Cardinali Bellarmino, quo cum eam communicauimus. Vox ipsa linosti-

ma vim facit, quasi linostoma, quæ ex duabus constat vocibus Græcis, altera significante lœnum, altera os: nam usus Manipuli erat ad tergendum os & oris pituitam, vt diximus. Stolam volunt esse alij, ex *Damafo citato in Actis Eccles. Mediolan.* de cuius tamen expositione non constat, & Stola potius lœnum, non lœnam tegit; humerum, pectus & dextram partem conuestit; Manipulus propriæ lœnam partem tantum ornat. Fimbrias additas Manipulo describit *Rupert. loco citato*, qui primus inter Scriptores eum Manipulum appellavit. Quod si hanc vocem legas apud Seuerum Alexandrinum, seu Stephanum Eduensem, aduerte, quod est interpretum vox recentiorum, non Græcorum auctotum Ruperto antiquorum.

i Oculatur Crucem in medio.] Ut supra de Amictu est dictum.

l Et imponit brachio sinistro.] Concordant omnes citati Auctores, eo fine, vt brachium dextrum liberius sit ad ministerium. unde & ideo ministri Manipulos deponunt in induendo Pontifice, vt longè sint expeditiores in eo ministerio, quod notat *Duran. lib. 3. cap. 5.* Adde, quod dextra manu commodiūs tergebantur oculi & os, mappula pendente à lœua manu. Ligari vero debet Manipulus infra cubitum, non supra, nec longius à manu, vt ex prædicto fine & usu constat.

m Accipiens Stolam.] Orarium eam vocat *Ordo Romanus* in genere masculino, alij in genere neutro; quia Oratorum, hoc est, prædicatorum habitus est, ex *Alcuino supra.* quare non datur nisi Presbyteris & Diaconibus, quorum tantum munus proprium est concionandi. ab oratione deducit *Beda vocabulum in Collectan. cap. de*

M 2 Septem

Septem ord. quia in oratione & in ministerio Sacramentorum frequens est Stola & fus. Stola dicta est etiam in Ordine Romano à Greco stola, id est indu-
mentum, vel à στόλῳ γάρ est ornō. Ad genua tendit, ex eam lib. 2. cap. 20.
nam licet Stola esset vestis candida pertingens ad talos usque, ut ait auctor Gemma lib. 1. cap. 104. tamen, introducta Alba, seu Camisia sacerdotali, mutata est Stola in torqueum, ut ibidem & apud Durand. lib. 31 cap. 5. cum sum-
briis eam describit Rupert. lib. 1. c. 33.
eiisque usus habetur in Actis S. Clem.
Metensis, patrum S. Clem. Pape, apud S. Antonin. p. 1. tit. 6. cap. 26. qui Sto-
la sua oinxit diaconem. Sed & Cedri-
nus apud Buleng. lib. 1. cap. 38. scri-
bit, Augustæ Stolas Apostolorum
fuisse repertas.

V Stolam vero in Missa omnino ad-
hibendam esse, decreuit Concilium
Bracaren. III. cap. 3. & habetur 23.
cap. Ecclesiastica.

In De osculatur.] Durand. loc. citato,
ut de osculo amictus supra diximus.
& imponit collo ut torqueum, ait Gem-
ma loco cit. non longè a collo, contra
quosdam. longè enim a collo est pro-
prium Episcopi, premens cervicem, &
utrumque humerum, ait Conc. Brac-
car. citatum. si premit cervicem, ergo
prope collum.

o Ante pectus in modum Crucis. Ita
Concil. Bracar. loco cit. quod tamen
Innocentij III. tempore Romæ non

4 Si celebrans sit Episcopus, non dicit Stolam ante pectus in modum Crucis, sed sinit hinc inde utrasque extremitates pendere: & ante-
quam accipiat Stolam, accipit parvam Crucem pectoralem, quam
osculatur, & collo impositam sinit ante pectus chordulis pendere.
Manipulum quoque non accipit ante Stolam, nisi in Missis Defun-
torum, sed accipit ad Altare, cum in Confessione dicit, Indulgen-
tiam, illum prius osculatur.

obseruabatur, ut ipse indicat lib. 1.
cap. 54. nisi forte dicamus, cum ibi
loqui de Stola Pontificali, in qua ne-
que hodie obseruatur praedicta forma
Crucis; quia Crucem pectoralem
Episcopus habet.

p Dicit partem à sinistro hume-
ro.] Burchar. Hoc autem est notan-
dum diligenter; tum quia à sinistro
ad dextrum latus Stola ductio prior
in memoriam reuocat, me esse prius
Diaconum quam Sacerdotem (Sto-
la namque Diaconalis est ab hume-
ro sinistro ad dextrum latus) sicut
Episcopus prius induit Tunicellam
Subdiaconi, & postea Dalmaticam
Diaconi, ut quasi per gradus memi-
nerit suæ summæ dignitatis; tum quia
in ordinatione Sacerdotis eodem
prorsus modo aptata fuit Stola col-
lo eiusdem ab Episcopo, & sic ad
eiusdem rei memoriam est conti-
nuandum; tum quia hac ratione, si
benè aduertas, pars dextra Stola for-
mans Crucem in pectore remanet
superior supra partem sinistram eius-
dem, quod infra tit. 3. in simili casu,
non casu fieri dicendum est; pollice
dextro, inquit Rubrica, super sini-
strum posito in modum Crucis. Me-
minit autem huius ritus in Stola di-
stincte Ivo Carnot. Serm. de Signific.
indumentorum.

q Ex extremis Cinguli, &c.] Et
hoc etiam describit Ivo ibidem cum In-
nocent. III. lib. 1. cap. 54.

r Non

^r Non dicit Stolam in modum Crucis.] Quia ante pectus gestat ciuius loco Crucem pectoralem, quam ante Stolam accipit, ut solus notat Innoc. III. cap. 53. qua de re infrā, cūm de Vestibus Pontificalibus.

f Osculatur.] Scribit Duran. l. 3. c. 9. t Manipulu quoque.] De quo idcirco Innoc. idē c. 43. & 59. post Casulam Episcopalem agit apertiū Duran. l. 4. c. 7. & idem habetur in Ord. Rom. causamque cum alijs dabimus infrā n. 6.

5 Postremò Sacerdos accipit ^a Planetam.

u Planetam.] Ordo Roman. Visitatum est vocabulum Planetæ, quidquid neget Durandus apud Latinos antiquiores reperiri, lib. 1. cap. 9. vbi negat, fuisse vñquam à Græcis usurpatum. Planeta vero errorem sonat, & limbus Planetæ Sacerdotalis errabundus erat vtrimeque, & idcirco ad brachia refleßebatur, & subleuabatur, inquit Honor. in Gemma lib. 1. cap. 207. Penula quoque dicta fuit, non tamen ea, de qua Paulus 2. Timot. 4. vide Baronium anno 58. num. 69. Casula item dicitur ab eodem Ordine Romano, hoc est, parua Casa, in Gemma loco citato. Infula ab Hugone Victorin. in Specul. Eccles. cap. 6. Tunica item a Seuero Alexandrino de Ord. oblat. Cappa ab Isidoro lib. 15. Orig. cap. 12. ex conie-

ctura tantum, quia capit totum hominem. Sed vide quæ diximus de Pluviali in 1. p. tit. 19. num. 3. contra Durand. Phelonium dicitur in Actis Eccles. Mediolan. par. 4. lib. 2. Planetæ sancti Petri meminit Hugo Cluniensis in Vita sancti Hugonis Abb. quæ asseruatur Parisijs; ergo ab Apostolis ortum habet. Erant Planetæ totæ clavis; post tempora Ruperti diuisæ sunt. & Innocent. indicat lib. 1. cap. 42. & 58. olim cum Cruce, etiam in parte posteriori; nunc cum columnæ potius specie, recentiori vsu, quæ & ad Passionem Domini spectat: quasi Sacerdos sit inter Columnam & Crucem Christi. Qui aliquam prædictarum vestium sponte omiserit, peccat mortaliter, ex communi Doctorum sententia.

6 Si sit Episcopus, & solemniter celebret, ^a accipit paramenta, & alia ut in Pontificali.

Pro Pontificali, debet intelligi Ca-

rimoniale Episcoporum.

x Accipit paramenta.] Hoc est, Caligas, Amictum, Albam, Cingulum, Crucem pectoralem, Stolam, Tunicellam, Dalmaticam, Chirothecas, Planetam, Mitram, Annulum, & Manipulum: de quibus hoc loco, quia in Missali hoc ordine nominantur, & numerantur, omittamus tamen ea quæ sunt communia Sacerdoti;

Caligæ, Sandalia, apud sanctum Hieronymum in Isai. lib. 5. cap. 20. sunt

idem. Soleæ dicuntur ab Alchin. cap. Quid sig. vestim. sed distinguuntur in habitu Episcopali, ex Innocent. III. lib. 1. cap. 48. nam Calige primùm induuntur usque ad genua, & Sandalia generis feminini, seu Sandalium apud alios, pedes tantum contegunt, Ivo Carnot. Serm. de Significat. indum. Sacerd. Caligæ, quia ligantur, sic dicit, ex Isid. lib. 19. Orig. cap. 34. Cambagi, & Pedules, in Ordine Romano. Compagi, à S. Gregorio lib. 7. Epist. 28. Campobi, ab Amalar, lib. 2. cap. 18.

M 3 quorum

quorum usus ab Apostolis manat, ex Rabano lib. 1. Instit. Cler. cap. 22. & probat ex Marci cap. 6.

De Cruce pectorali, quam Philasteria seu Filasteria (ed quod filo suspendi soleret, Vicecom. ait) appellat S. Gregorius Papalib. 12. Epist. 7. ut notat Baron. ex Ioan. Diacono anno 604. & 827. & Encolpium vocat Nicephorus Episc. Constantinop. ad Leonem III. Papam, ut exponit idem Baronius anno 811. solus aperte ante alios Innocentius III. agit, Crucem appellans pectoralem; quia pectus ornat, ut supra significauimus num. 4. & lamina Hebreæ eam sufficiam esse, tradit idem ibidem.

Tunicellæ & Dalmaticæ originem & causas attulimus supra in prima parte tit. 19. num. 5. quæ ambæ in Ordine Romano ad usum Pontificis aliquando dictæ fuerunt Dalmatica maior, & minor; quia altera latior, altera strictior. Cur autem utraque datur Episcopo? an quia in eo eminenter omnium sacrorum Ordinum sunt gradus; an quia duorum testamétorum custos? ita Durand. supra cap. 10. & 11. ex Hugone Victorino in Spec. Eccles. c. 6. Antea vero non in duebant Dalmaticas Episcopi sine Papæ licentia, vindicat S. Gregorius lib. 7. Epist. 113. ad Aregium, & habetur can. Communis filius. Distinct. 23. primumque à Siluestro concessa est Episcopis Dalmatica, ex Durand. lib. 3. cap. 11. hoc est aliquibus: sed sicuti ea, quæ in Ordine Romano lana erat, serica deinde fuit, ex Eduensi c. 11. ita, quæ aliquorum erat, omnium deinde Episcoporum facta est communis vestis.

Chirothecæ ab Ordine Romano dicuntur Manicæ, quia manuum sunt ornamenta. conuenient enim, ut Episco-

pi quælibet pars ornator appareat. Ab Apostolis deducit hunc ritum Gemma lib. 1. de Antiquo ritu cap. 215.

Mitra, seu Apex, ex August. 2. Cuius. 15. seu Sertum cum gemmis, ex Ennodio de Mitra sancti Ambrosij; seu Corona Sacerdotalis, ex Ammiano Marcellino lib. 29. seu Corona gloriae ex Euseb. Cesariensi lib. 10. Histor. c. 4. seu Pileum, generis neutrius; vel Galea, vel Tiara, ex Isidor. lib. 19. Orig. cap. 21. seu Inrula, ex Hug. Victor. l. 1. de Sacrament. cap. 55. seu Cidaris, ex Alcuino cap. de Singulis vestibus; seu Phrygium, ex Niceph. lib. 14. cap. 34. quod imposuit capitii S. Silvestri Constantinus; seu Lorum, ex Balsamone apud Buleng. de Vest. Pontif. lib. 1. c. 6. seu Auriphrygium circulare, ab Innocentio III. in Sermone de S. Silvestro (nomina multa, eadem res) ab Apostolis ortum habet, ex Baron. anno 34. num. 298. & inter Episcopi insignia enumeratur, ad ornatum illius caput, & eruditendum Episcopum, ut infra. Abbatibus non fuit concessa ante annum 1091. quo Urbanus II. eam dedit S. Perro Cateni, Abbat Cluniensis Ordinis, qui & eamdem ut sibi minus congrua recusauit, Ad Conc. Benevent. Sed alij docent, ante annum 1000. à Silvestro II. datam fuisse Mitram Abbat S. Sauini Placentiae, & à Leone IX. anno 1049. Abbat S. Iustinæ Patauino; & extant Diplomata Pontificia. Mitra vero (ut alia taceam nomina) ex Varrone lib. 1. de Lingua Lat. vox est Latina, Graeca, & Syria, vel Hebreæ, quæ verba interpretatur Iosephus Scaliger hoc modo: Mitra Syriacum, Diadema Graecum, Vitta Latinum, idem significant in lingua sua, nempe vinculum. Calix Rhodiginus lib. 16. cap. 20. à patre eam dedu-

deducit, quod significat filum, ut proptera sit quasi mitra, ex filo. erat enim fascia ad obligandum caput, ex Hier. in Isa. 3. ad verbum seminarum in capite, Indist. cap. 10. virorum etiam, ex Goropio in suo Vertunno. Sacerdotum quoque, Exod. 39. vbi LXX. Cidatim legunt ex bysso. Duo redimicula addebat Phryges in Festis solemnibus per maxillas fluentia, ex Hieronymo Prado in Ezech. c. 21. vers. 26. vel sub mentum ligabantur, ex Buleng. loco cir. quæ in nostra Mitra habentur. & fortè ab ijsdem Phrygibus auriphrygiata Mitra aliquid accepit: de qua in Ceremoniali Episcop. lib. 1. c. 17. Duo cornua Mitra accepta puto à Cidari Hebræorum, referente quasi cornua Moysis ex consortio Dei. Nicolaus Lyranus Exod. 28. ex Iosepho assertit, quod Mitra in acutum tendebat, & quod lamina aurea, secundum aliquos, corniculata erat.

Pars Mitrae S. Siluestri asseruatur Romæ in Ecclesia S. Martini in Montibus, quæ acutam formam refert, non altiore palmo communis manus: serico & auro est contexta, coloris cœrulei, cum imagine B. Virginis & pueruli Iesu inter duos Angelos stantes Diaconali veste indutos. Valentia quoque visitur Mitra sancti Augustini altioris formæ, & item acutæ, qui, ut supra, eam Apicem appellant: serica est, & alba, quam cingit, & diuidit à cuspidi linea cœrulea serico & auro texta, testatur eamdem esse Martinus V. in Sermone de sancta Monica. Similem ego vidi Bononiae in Ecclesia S. Stephani auro & margaritis ornatam, quæ erat sancti Isidori Hispanensis, cuius corpus ibidem quiescit. Ex quibus probatur antiquitas formæ in nostra Mitra. Quod si velis cum Ab-

bate Constantino Caietano, Opusculo de Tribus Hispaniarum Patronis, alium esse Isidorum, non Hispanensem, quem ille recte probat Hispali mortuum, & ibidem quiescere corpus eius, sed Italo Siculum in Sicilia Episcopum, qui Bononiæ obiit, non perit argumentum nostrum de antiquitate; quia hi duo Isidori, ex eodem Caietano, fuere condiscipuli S. Gregorij Magni, & coætanei. Lubens auctores nomino, honoris & veritatis ergo; quod & facere debuerat recentior, qui de Iure Abbatum scribens, in suum librum transstulit ipsam verba, quæ de Mitra & alijs Abbatialibus vestibus in hoc Volumine scripti, tacito Auctoris nomine, nominato in leuioribus alijs à se non semel.

Regula verò est Mitram & Baculum in Episcopis esse correlativa, ut dicitur in Cerim. Episcop. lib. 1. cap. 17. & licet in Missali nihil de Baculo, quia ad eum assumendum nullam Episcopus recitat Orationem, sicut ad alia ornamenta praescriptas Orationes recitat in Missali positas, quarum causa de his hoc loco cum Missali agimus; tamen de eo breuiter hanc notabo, ne Baculo omissò, à Lectore sine baculo corripiat.

Baculus, Virga Pastoralis, Pedum, Ferula, & Caputa, sunt synonyma, ex Iuone Carnot. Epist. 8. & Hon. in Gem. lib. 1. cap. 217. Cambucam alij vocant apud Petrum Comestorem in Histor. Exodi cap. 52. Cambutam vocat Ordo Romanus in Dedicacione Eccles. sed Caputa & Cambutta corruptæ sunt voces, à Cambura voce barbara, quæ significat baculum retortum. Porro tres habet partes, summam retortam, ut pedum pastorum recurvum, ad colligendas, ut ait Festus,

oues;

96 Comment. in Rubr. Missalis. Pars II. Tit. I.

oues; medianam rectam, imam acutam. talis est S. Saturnini Apostolorum discipuli, qui Tholosæ cum imagine Sancti antiquissima habetur; & Valentia S. Augustini Baculus, qui est eburneus & rotundus; & item S. Isidori, quem ego vidi Bononia, ubi suprà, cum Mitra eiusdem datur enim Episcopo, ad regimen animarum; unde verlus:

Curua trahit mites, pars pungit acuta rebelles.

Et sub imagine præfata S. Saturnini legitur iste verlus,

Curua trahit quos virga regit, pars ultima pungit,
ut refert Hugo Victor. Spec. Eccles. cap. 6. Innoc. autem III. lib. 1. cap. 62. affert hoc carmen auctore incerto;

Collige, sustenta, stimula, vaga, morbida, lenta:

id est, Collige vagos, sustenta debiles, & punge pigros. Est autem Baculus ultimum Episcopi ornatum, Innocen. III. lib. 1. cap. 10. quem gestat ille manu sinistra, quæ cordis esse dicuntur, & partem curuam populo vertit, Carimon. Episc. lib. 2. cap. 8. nec ornatur sudario, quod conuenit Abbatiali, Acta Mediol. Eccl. in Instruct. fabr. Eccl. ad differentiam Episcopalis.

Annulus datur Episcopo, de quo Optat. Millen. lib. 1. contra Parmenidem, & Ordo Rom. in Consecratione Episcopi. qui & aureus debet esse, Innocen. III. lib. 1. cap. 46. & benedictus, ut in Ordine Romano. daturque ad honorem, & significationem, quod Ecclesiæ suæ sponsus est; & quod velut Annulo signatorio non omnibus omnia reuelare mystetia debet. ita Isidor. 1. de Eccles. Off. cap. 5. & regulariter quidem in dito indice manus dextræ defertur; neque in gem-

ma sculptum quid esse debet, ex Durand. lib. 2. de Rit. cap. 9. sed in Mis- sa Pontificali iubetur Episcopus gestare Annulum in dito annulari dextræ manus, Cœrim. Episc. lib. 1. cap. 7. & lib. 2. cap. 8. cui & in eodem dito in consecratione datur concelebraturo cum consecrante, Pontif. Rom. Alij caueant, ne vim quam Annulum gestent in Missa; qui expressè prohibitus fuit Protonotarijs non participantibus, & quibuscumque Doctoribus, à sacra Rituum Congregatione die 11. Februarij 1623. & item Canonicis Cathedrali Ecclesiarum, qui se maiores astimabant Protonotarijs, die 20. Nonemb. 1628. Canonorum vero nomine hac in re intelliguntur etiam Dignitates, siue sint siue non sint de gremio Capituli.

Vltima vestis Episcopi est Manipulus, Ordo Roman. de quo suprà diximus non pauca. hoc loco quærimus, Cur ille sit vltima vestis Episcopi? solus Durandus lib. 4. cap. 7. hunc ritum in Episcopo declarat: & Primo inquit, quia dum eum accipit in confessione ante Missam, ornamentum accipiens inferioris ordinis, & ab inferiori ministro, id est Subdiacono, cuius propria vestis est Manipulus, humilietur Episcopus coram Deo. Secundò, ut quod ore confitetur se peccasse, per fructum boni operis, qui significatur in Maniculo ad brachium ligato, reficiatur in mente. Tertiò, ut concessa temporalia, per Manipulum adumbbrata, videatur accipere per alienam manum, & cum sui cognitione in humilitate, ne ob temporalia eleuetur in superbiam. Quartò, ad notandum, quod tunc bonorum operum Manipulum cum præmio portabimus cum Christo, quando ad Altare Dei æterni tribu-

tribunal Iudicis peruererimus : nam Episcopus typum gerit Christi Capituli nostri.

De Gremiali Episcopi, quia ad eius gremium ponitur ita dicto , neque Missale, neque nos loquimur; & præterea nihil de eo occurrit dicendum , nisi quod Episcopo deseruit tantum super femora cum Planetam induitus sedet. Succinctorum dici putat Vicecom.lib.3.cap.15. sed Innoc. III.lib.1. cap. 10. tertium Succinctorio dat locum; tum solus Papa eo vtitur, Carim. Papa lib.2.cap.14. & usus eius est circa renes, ex Inon. Carnot. loco citato.

Pluiale item est vestis Episcopi ad Horam Tertiam, Vespertas, Laudes, & Processiones, de quo diximus supra. De quibus autem Missale tacet, vt de Pallio Archiepiscopi, Orali Papæ, & alijs eiusdem vestibus ad Missam spectantibus, alias, Deo dante, scribemus.

Nunc breuissimam prædictorum omnium indumentorum subijciamus significationem , quam suprà promisimus; quæ triplex est, Anagogica, Allegorica, Tropologica, seu Moralis.

Anagogica significatio est de Christo, cuius imago gloria est Episcopus.

Allegorica est de Passione Christi, quam Sacerdos minus glorijs vestitus indicat.

Tropologica, seu Moralis, eruditio nem continet conformem moribus Sanctorum quorumcumque ministrorum Ecclesiasticorum, Episcopi, Presbyteri, Diaconi, & Subdiaconi.

Expositio Anagogica vestium Pontificalium de Christo.

C Aligæ & Sandalia denotant Incarnationem Christi, de qua in Psal. 59. In Idumæam extendam cal-

ceamentum meum, ex Stephano Edens-
si de Sacr. Alt. cap. 11.

Amictus, latibulum capitis , id est , diuinitatis in Christo, idem Stephan. cap. 10.

Alba, Resurrectionis gloriam , idem Eduens. ibidem. nouitatem vitæ in Christo, Innocent. III. lib.1. cap. 36. & munditiam eiusdem , S. Bonavent. de Myst. Misæ.

Cingulum, charitatem Christi, cuius extremitates duæ sunt, fecit, & docuit, Innoc. cap. 37. Maiestatem deitatis, S. Germ. in Theoria. Virginitatem Christi , Bonav. loco cit.

Crux pectoralis, passionem Christi, exemplar passionum aliorum Martyrum , quorum Reliquiæ in Cruce afferuantur. nihil apud Auctores inueni in hoc sensu anagogico.

Stola designat obedientiam Christi, ex Steph. Eduensi loco cit. & voluntariam seruitutem , Bonavent. loco cit.

Tunicella, doctrinam Christi inconsutilem , quæ scindi non potest, Innoc. cap. 39.

Dalmatica, misericordiam Christi erga nos latam , & largam, idem c.40.

Chirothecæ, hædorum pelliculæ , similitudinem carnis peccati in Christo , idem cap. 41.

Planeta , Ecclesiam vniuersalem , Christi vestem ; posteriorem quidem partem antiqui Testamenti , anteriores noui, idem cap. 42. integra ea erat , vndique clausa antiquitus , quia una Ecclesia est , Rupert. 1. cap. 22. Plenitudinem gratiæ Christi , ex Biel. lect. 11. indicat.

Mitra, summam Christi honorificentiam, Innoc. cap. 44.

Baculus , potestatem , idem cap. 45.

Annulus , perfectionem donorum Spiritus sancti in Christo , idem c.46.

N

Mani-

Manipulus in lœua, beatitatem Christi, qui Viator & comprehensor erat, *idem cap. 43.* vel hamilitatem Christi, *Bona vent. de Myster. Miss.* vel amorem cordis ad passionem, *Tolet. lib. 2. cap. 2.* fusiū ista leges explana tata locis citatis.

Expositio Allegorica vestium Sacerdotalium de Passione Christi.

A Mictus significat velamen faciei Christi, *Gabriel Biel in Cant. leet. 11.* seu Coronam spineam, nam velat caput, non faciem, amictus, *S.Thom. 3. par. quest. 83. artic. 5.*

Alba, vestem ab Herode Christo datam, *S.Thom. quest. 40. artic. 7.*

Cingulum, flagellum à Pilato iussum, *Durand. lib. 3. cap. 4.* vel funes, *S.Thom. loco cit.*

Manipulus, funem quo captus est, *S.Thom. loco cit.*

Stola, ligaturam ad Columnam, *Durand. cap. 5.* vel Crucem, *S.Thom. loco citato.*

Casula, purpureum vestimentum coram Pilato, *S.German. in Theoria.*

Sex numero sunt Sacerdotales vestes; in quarum senario numero, ait Zachar. *Andr. de Miss. lib. 2. c. 1.* recolenda est illius passio, qui sex diebus creatum mundum, sexta ætate, sexta die, & hora sexta euindem reparauit.

Expositio Tropologica omnium vestium Pontificalium & Sacerdotalium.

M Ultæ sunt, et que ornatissimæ Sacerdotum Tunicae, quia Sacerdotalis Ordo est veluti oculus ipsius Dei, vel Ecclesiæ quibus per Zachariam *cap. 2.* dicitur: *Qui tetigerit*

vos, tangit pupillam oculi mei. Et sicut multis tunicis munitur oculus & tegitur, ijsque adeò speciosis, ut iridis spem referat, quod latè docet *Galenus de Vsi partium lib. 10.* ita Sacerdotes tam varijs tamque ornatis voluit Deus vestiri tunicis, vt memores esent, se tamquam oculos à Deo diligi; illudque muneris sui proprium esse, vt in Ecclesia Dei oculorum vice fungantur.

Itaque Caligæ & Sandalia morient, gressus rectos esse faciendos, & genua roboranda in præparationem Euangelij, quod est proprium Episcoporum, & prædicatorum; & item affectuum custodiam, qui sunt pedes animæ, ex *Iuone Carnot. Ser. de Signif. indum.* concordant hæc cum Oratione quæ dicitur ad Caligas.

Amictus docet decem. Labores esse ferendos, *Alcuin. cap. Quid sign. vestim.* Vel custodiam vocis, quæ formatur in collo, *Amal. lib. 2. cap. 17.* Vel spem cœlestium, qua onus portamus, cuius Virtus duæ sunt, fides, & operatio; timor poenæ, desiderium gloriae, *Honor. in Gemma lib. 1. cap. 201.* Vel iustitiam, *Hugo Vitb. in Specul. Eccles. c. 6.* Vel munditiam bonorum operum, *Raban. de Insti. Cleric. lib. 1. cap. 15.* Vel galeam salutis, *Gemma lib. 1. c. 82.* concordat hoc cum propria Oratione. Vel fortitudinem operum cum duabus quasi Virtutis intentione, & fine. *Innocent. lib. 1. cap. 50.* Vel fidem, *Biel leet. 12.* Vel fiduciam, *Scortia lib. 2. cap. 8.* Vel contemplationem, *S.Thom. quest. 83. artic. 5.*

Alba connotat duodecim. Perseverantiam, *Alcuin. suprà.* Vel castigationem totius corporis, *Amalar. suprà cap. 18.* Vel castitatem totius vitæ, *Gemma suprà cap. 202.* Vel munditiam animæ,

animæ, *Hugo Vičt. loc. cit.* & concordat cum propria Oratione quæ dicitur ad Albam. Vel munditiam carnis, *idem Erud. Theol. lib. 1. cap. 46.* Vel continentiam, vel summam iustitiam, *Raban. cap. 16. suprā.* Vel nouam vitam Sacerdotis, *Rupert. suprā cap. 20.* Vel loricam Iustitiae, *Gemma lib. 1. cap. 82.* Vel munditiam vitæ latam in libertatem filiorum Dei, *Innocen. III. suprā cap. 51.* Vel fidem, & innocentiam, *S. Thom. loco citato.*

Cingulum indicat septem. Discretionem, moderatricem virtutum omnium, *Alcuin. suprā.* Continentiam, *Amalar. suprā cap. 22.* Custodiam cordis, *Gemma cap. 203.* Castitatem corporis, *Hugo Vičt. suprā.* Feruorem continentiae, ne sit remissa, *Raban. cap. 17.* concordat cum Oratione propria. Arcum contra hostes, *Gemma lib. 1. cap. 83.* Fortitudinem, *Hesych. lib. 5. in Leuit.*

Crux Pectoralis memoria est Passionis Christi, & Martyrum, vt eam Pontifex recondat in pectore, *Innocent. III. lib. 1. cap. 53.* concordat cum sua Oratione.

Stola decem significat. Iugum Christi est; feratur ergo utroque humero, *Alcuin. suprā.* ad genua tendit, ad humiliatis indicium, *Amal. suprā c. 20.* ab humeris ad utrumque latus descendit, vt per arma iustitiae à dextris & à sinistris muniamur. Cingulo colligatur, quia virtutes virtutibus iuvantur, *Iuo Carnot. suprā.* Obedientiam Evangelij significat, quæ tum à sinistro humero actiua vitæ, tum à dextro contemplatiua Crucem in pectore format, & mundo crucifixum facit, *Gem. lib. 1. cap. 204.* Fortitudinem cum perseuerantia, *Hugo dicto cap. 6.* Munditiam vitæ, *idem suprā cap. 48.* Ora-

rium ad pectus est, vt ore & corde preceatur, *Rab. suprā cap. 19.* Hasta est contra hostes, *Gemma suprā cap. 82.* Memoria est Passionis Domini, & Crucis in pectore, *Bonavent. in Mysterijs Missæ.*

Tunicella, quæ non videtur in Episcopo, demonstrat virtutes intimas Episcopi proprias, *Amal. lib. 2. c. 22.*

Dalmatica immaculata vitæ typus est, *Durand. suprā cap. 11.* Liberalitatis erga pauperes, *Innoc. III. cap. 56.* & idèò fuit etiam data Diaconis, quorum munus erat præcipuum ministrare mensis, *Act. 6.* Religionis immaculata, quæ, ex Iacobo, ejus apud Deum Patrem, visitare pupilos & viudas in tribulatione, & immaculatum se custodire, *Amalar. cap. 21. suprā.* Chari-tatis gemina, *Hugo Vičt. suprā cap. 6.*

Chirothecæ manus tegunt, vt opus sit in publico, intentio in occulto, *Gem. cap. 215.* vel exempla Sanctorum præ manibus habenda esse monent, *Durand. lib. 3. cap. 12.*

Planeta, quæ super omnes est, charitatis est symbolum, *Alcuin. suprā;* idèò duplex est, ante pectus, & post humeros, vt Deus ametur, & proximus; amicus, & hostis, *Amalar. cap. 19.* parua casa est, quæ rotum hominem tegit, charitas, *Gemma lib. 1. cap. 207.* Vel prudentiam cum charitate duas Casulae partes persuadent, *Hugo suprā cap. 6.* contra hostes clypeus est, *Gemma dicto cap. 82.* reliqui suprā citati charitatem interpretantur. Pars anterior strictrior est, quia Deus unus; posterior est latior, quia proximi amor est multiplex, *Tolet. lib. 2. cap. 2.* Obedientiam denique significat, ex Bellarino nostri Ordinis in Doctr. Concil. Trident. par. 3. cap. 5. num. 6. Concordare potest Ora-

100 Comment. in Rubr. Missalis. Pars II. Tit. I.

tio propria cum prædictis, quia iugum amoris Casula est, & Stola iugum patientia, inquit *Smar.* 3. part. *disput.* 83. sec. 2.

Mitra cum duobus cornibus scientiam requirit viriusque Testamenti contra hostes, *Hugo Viot.* *suprà cap. 6.* duæ vitæ, seu imbricæ posteriores, sunt Spiritus & Littera: ad humeros pendent, vt, quod doceat Episcopus, opere compleat, *Innocent. III. cap. 60.* Baculus correctionem pastoralem docet, ea ratione qua *Hugo Villorin. dicit.* *cap. 6.*

*Per Baculum rectum doceas, Episcope, recte
Viuere, per flexus ferri properes
misericordie.*

Annulus fidei Sacramentum est eum Sponsa, à qua numquam discedendum est, ex *Stephan. Eduen. de Sacr. Altar. cap. 2.* fettur in dito indice manus dextræ, quia digitus index salutaris dicitur à *Duran. lib. 2.* de *Rit. cap. 9.* digitus autem significat Spiritum sanctum, cuius dona Episcopis distribuit in ordinatione Clerici, *Innocent. III. cap. 46.* In Gemma nihil sculptum esse debet, ex *Synodo Mediolan. de Sacra Suppelæctili,* vt Deum ipsum in Anulo veneremur Episcopi.

In Missa vero Pontificali fettur Annulus in dito dextræ manus, non autem sinistræ, quod est sponsa proprium; & item in dito annulari, qui est remotior ab indice, ne indice quasi coronato ab Anulo Episcopus vti videatur ad consecrationem Corporis Christi, si, quod sentio, dicere licet. Nam Annulus corona manuum dicitur à sapientioribus, & coram Christo digitorum coronam deponere conuenit, seu temo-

tiūs saltem gestare: vnde & alijs, ut dictum est supra, prohibetur usus Annuli in Missa; tum ad differentiam Episcopi, tum ad humilitatis indicium coram sanctissimo Sacramento, quod manu tractari debet.

In Manipulo septem disce. Quia portatur in sinistra, praesentem vitam laboriosam representat, *Alcuin. suprà.* Repudium mundane cogitationis, quia eo tergebatur pituita, *Amal. suprà cap. 24.* Penitentiam cum fletu, ad tergendas animæ labes, *Gemm. an. 208.* & concordat cum Oratione quæ dicitur ad Manipulum. Vigilantiam contra acediam, quia eo tergebantur oculi, *Eduens. cap. 10.* contra hostes Clava est, *Gemma d. cap. 82.* Discretionem deuotam, *Biel. lect. 12.* Retributionem futuram bonorum operum, *Rup. lib. 1. cap. 33.* ex *Psal. 125.* Venient cum exultatione, portantes manipulos suos.

Verum clausula sit cum *Iuone Carnot.* *Serm. cit.* Ornamenta hæc, ait, non sunt virtutes, sed virtutum insignia, quibus tamquam scripturis videntes admonentur, quid debeant appetere, quid vitare, & ad quem sua facta dirigere. Prouideat ergo, inquit *Innocent. III. cap. 64.* diligenter Episcopus, & attendat Sacerdos studiosè, vt lignum sine significato non ferat, vt vestem sine virtute non portet, ne forte similis sit sepulchro deforis dealbato, intus autem omni pleno spuria. Quisquis autem sacerdos induit ornatus, & honestis moribus non induitur, quanto venerabilior apparet hominibus, tanto indignior redditur apud Deum. Pontificalem itaque gloriam iam honor non commendet vestium, sed splendor animatum. *Hac Innocent.*

De